

Radunanza cumünala

La radunanza es gnüda fixada sün **mardi, 23 avrigl 2002** a las 20.15 in chasa cumünala.

Tractandas:

1. Rendaquint cumünal 2001 (quint da gestiun, quint d'investiziun, bilantsch cumünal e rendaquint da l'amegliaziun generala)
2. Rapport da la cumischiun sindicatoria
3. Varia

La documainta per la tractanda 1 po gnir retratta in büro cumünal d'ürant las uras da büro a partir dals 19 avrigl 2002.

Il Cussagl cumünal

Tscherchè giarsunA da commerzi

Il Cumün da Sent spordscha l'ocasiun da far il

giarsunadi da commerzi ill'administraziun cumünala

a partir dal mais avuost 2002 o tenor cunvegna.

Annunzcha:

InteressentAs per quella piazza s'annunzchan in scrit fin il plü tard als **30 avrigl 2002** a l'administraziun cumünala da Sent, 7554 Sent. A l'annunzcha sun d'agiundscher ils allegats üsitats.

Chavazzin sülla busta:

„GiarsunA“

Infuormaziuns:

Jon Carl Rauch, capo cumünal, tel. 081/861 20 66 opür nattel 079/445 70 02 opür Rico Zini, contabel, tel. 081/861 20 60.

Il Cussagl cumünal

Placas per velos e töfins

Eir quist on vegnan scumpartidas las placas pel velo gratuitamaing d'ürant seguaints dis:

Venderdi, 19 e'ls 26 avrigl 2002, tanter las 15.00 e las 17.00 e

Lündeschdi, 22 avrigl e gövgia, 2 mai 2002, tanter las 09.30 e las 11.00 pro'l pulizist cumünal.

La pulizia cumünala

Avis a regard far adöver dad idrants

Il Cussagl cumünal ha decis da laschar far adöver dad idrants be cul permiss dal schef, culla cundiziun chi'd es d'avisar al cheu d'bügl, il qual vain a muossar e far üna controlla davo l'adöver.

Per minch'adöver vain inchaschada üna taxa d'adöver da fr. 20.—.

Il Cussagl cumünal

Condotta da glera - offertas

Il Cumün metta in libra concorrenza il manar la glera per las vias cumünalas. Formulars d'offerta pon gnir retrats in büro cumünal a partir da venderdi, 19 avrigl 2002.

Termin d'inoltraziun: **venderdi, 26 avrigl 2002 (buol postal, posta A);**

Chavazzin sülla busta: „Offerta inglerar“

Il schef da strada

- 2 -

GA-Flexicard – sporta da bigliets favuraivels

Il Cussagl cumünal ha decis da promover il trafic public e far la sporta da prouva a nossa populaziun per la d'ürada dad 1 on cun 1 bigliet GA-Flexicard. Q.v.d. d'ürant 365 dis da l'on po gnir cumprà 1 bigliet al di per ün **predsch fich redot da fr. 28.--**.

Minchün ha uschea la pussibilità da cumprar bigliets favuraivels culs quals i's po viagià in tuot la Svizra cul tren, posta, barcha, tram e bus ün di a la lunga al di giavüschà e datà. Quista sporta vala a partir dals **1. schner 2002**. Interessents pon a partir da subit, ed uschigliö plü bod pussibel, reservar il bigliet pro'l büro cumünal, tel. 081/861 20 60.

Il Cussagl cumünal

Liber da far romma

A partir da **sonda, 4 mai 2002** esa liber da far romma pro seguaints tagls: Dartos, Chavriz Grond tanter la via da Sinestra e la via d'alp, Ischla/Costa da Raduolf e Fora da la Vuolp.

Per plaschair rumir l'ultim la fruonzla e filfiers our da las vias.

Clofters da büs-cha

I **nu vain** organisada ingüna saira, d'ürant la quala vegnan scumpartits ils clofters da büs-cha.

Interessents per clofters da büs-cha dessan contactar **directamaing cul silvicultur** ed annunzchar ad el ils giavüschs fin il plü tard ils **30 gün 2002**.

Il silvicultur

Deponia La Fuorcha – clavs

Vezziond chi nu funcziuna daltuot culla restituziun da las clavs per rivir la barriera da la deponia, ha decis il Cussagl cumünal:

1. d'inchaschar inavant ün depot per la clav da fr. 20.—pel prüm di. Quel depot vain restitui davo dat inavo la clav;
2. d'inchaschar üna taxa per minch'oter di fr. 10.—al di cha la clav vain dovrada;
3. Il Cumün inchascha fr. 7.—al m3. 5 m3 l'on, material deponà sun gratuits.
4. chi'd es d'indichar subit il quantum e'l material chi vain deponà. Il quint vain dat 1 jada l'on.
3. Scha la clav nu vain restituída, vegnan ils cuosts per laschar far üna clav nouva inchargiats al quel chi nun ha dat inavo la clav.

MinchünA chi ha retrat clavs da la deponia La Fuorcha vain giavüschà da **restituir la clav** davopro subit. Otramaing vain, tenor la decisiun dal Cussagl cumünal, miss in quint ils cuosts per üna clav nouva a quel chi ha suottascrit.

Il Cussagl cumünal

Giantar cumünaivel per attempadas ed attempats (da 62/65 amunt)

Mardi, 7 mai 2002	12.00	Sur En – camping Partenza d'avent da la posta a las 11.42 Retuorn culla posta a las 13.05
Mardi, 4 gün 2002	12.00	aint in Zuort Partenza a las 11.30 cun autos privats d'avent da Plaz.

Chi chi ha ün auto dess far il bain da far a savair in sembel cull'annunzcha quantas plazzas chi sun amo libras.

Annunzchas piglia incunter dna. Erica Clalüna, **fin 2 dis avant il giantar**, tel. 864 07 59 (da las 08.00 – 09.00 adüna a chasa).

Pravenda evangelica

- 3 -

Corporaziun evangelica, Sent

La radunanza generala da la Corporaziun evangelica ha lö in **venderdi, als 26 avrigl 2002**, a las 20.30 in chasa da pravenda.

Tractandas:

1. Protocol da la radunanza dals 20 avrigl 2001
2. Tscherna da scrutinaduors
3. Rapport annual dal president
4. Rendaquint 2001
5. Rapport dals revisuors da quint
6. Preventiv 2002
7. Fixar il pè d'impostas

8. Rapport annual dal ravarenda
9. Tschernas
10. Dumonda consultativa a regard cults divins da la saira
11. Varia

Davo la radunanza as poja star amo ün pa insembel e baiver ün caffè o ün tè e mangiar ün toc tuorta.

Sperond sün üna numerusa cumparsa, invida amiaivelmaing

pel Cussagl da baselgia
Il president: Gisep Stricker

Exposiziun da filatelia

A partir da subit sun expostas i'l local dal büro da trafic diversas robas da filatelia sco marcas e bustas veglias cun buols edidas i'ls ons 1735 e'l 1907.

Amiaivelmaing invida

il filatelist versà e paschiunà:
Chasper Valentin

Società da trafic

La radunanza generala ha lö **marcurdi, 22 mai 2002**, a las **20.30** in chasa cumünala Misoch.

Tractandas:

1. Salüd dal president
2. Elecziun dals scrutinadurs
3. Protocol da la radunanza generala 2001
4. Rapport annual dal president
5. Approvaziun dal quint 2001
6. Rapport dals revisuors, dis-charg suprastanza
7. Elecziuns
8. Dumonda da princip vendita dal büro da trafic
9. Adozzaint da las taxas da cura ed introducziun d'üna taxa da recloma, orientaziun
10. Trattar eventualas propostas in scrit
11. (Inoltraziun almain 14 dis avant la radunanza al büro da trafic)
12. Varia e diversas

A partir da las **20.00** vain servi ün **aperitiv** als preschaints. Amiaivelmaing invida

il comitè

- 4 -

Creativ-Boutique

La butia Creativ-Boutique resta serrada:

causa vacanzas da gestiun:

dals 27 avrigl fin 8 mai 2002

La sonda

da subit fin als 29 gün 2002,

excepziunà: sonda, ils 11 mai 2002 avant il di da la mamma serrà

Lündeschdi

La butia es averta:

mardi fin venderdi, 13.30 – 18.00

Grazcha fich per Lur incletta e per la fideltà.

Carolin Pua, Sent, tel. 081/864 84 33

Da dar a fit

a Sent a partir da subit o tenor cunvegna ün'abitaziun da 2 stanzas, cun lobgia.

Fit al mais fr. 800.--, incl. malaspaisas.

Annunzchas piglia gugent incunter: Dna. Esther Peier, tel.: 081/864 89 39 (privat, la saira) opür 081/864 11 31 (affar).

Avis da la butia Sot Pradè

Causa ch'eu serr la butia a partir da subit, lessa ingrazchar fich a Vo chara clientella per Vossa fiducia demuossada d'ürant tuot quists ons. – Eu giavüsch a tuots per l'avegnir tuot il bun e's di amo üna jada ün sincer grazia fich.

Butia Sot Pradè: Christine Schwenninger

Tscherchà

da tour a fit a Sent a partir da subit o tenor cunvegna ün pitschen local o stanza per rizzar aint ün studio da cosmetica dad unglas.

Annunzchas p.pl. drizzar a: Dna. Christine Schwenninger, tel. 079/440 75 78.

Christine Schwenninger